



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

27. Ratio Apostolici, &c. Pro Tertiariis Ordinis Fratrum Minorum beati
Francisci, qui Cappuccini appellantur.

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

ANN O
1726.

Cum ad D. N. BENEDICTI XIII. notitiam pervenerit Bullam que incipit Ratio Apostolici ministerii in favorem Tertiariorum ordinis Capucinatorum emanatam anno 1726. nono Kalendas Junias, non esse insertam in Bullario quod Luxemburgi imprimitur, ideo sua sanctitas injunxit Em. D. Card. Secretario status, curam dare Illustrissimo Domino NUNTIO BRUXELLENSI ut dicta Bulla apponatur, prout constat ex sequenti Copia.

Copia Epistolæ Eminentissimo Domino Cardinali Secretarii Status, ad Illustrissimum & Reverendissimum Dominum Nuntium Bruxellensem 26. Novemb. 1729.

Cum notitiam habuerimus Luxemburgi actualiter imprimi Bullarium in quo supponitur non inserendam hic junctam Bullam (Ratio Apostolici ministerii) in favorem Tertiariorum ordinis Capucinatorum emanatam, & quia reflectitur ex tali omissione posse dari pretextum impugnandi subsistentiam dictæ Bullæ, que sicut omnes alia S. Domino nostro in corde est, & omni sua autoritate munita; sua sanctitas mihi injunxit J. D. V. curam dare procurandi ut dicta Bulla in editione facienda, uti & in omni altera in dictis partibus imprimenda, inseratur, imo recurrendo (si opus fuerit) ad autoritatem Serenissimæ Archiducissæ, suorumque ministrorum interea J. D. V. hæc exequatur cui & auro &c.

Hæc copia concordat cum suo transcripto authentico mihi concessio ex Secretaria status, ac penes officium conservando, in cujus fidem: Romæ 10. Decembris 1729.

Signatum erat
FR. MAXIMILIANUS WANGHEN:
Assr. Provinc. German. ord.
Capucinatorum.

Locus † Sigilli.

XXVII.

Pro Tertiariis Ordinis Fratrum Minorum beati Francisci, qui Cappuccini appellantur.

BENEDICTUS EPISCOPUS,

Servus Servorum Dei, ad perpetuam rei memoriam.

I. Summus Pontifex discordias ex regularibus evellit.

Ratio Apostolici ministerii, nobis, licet immeritis, à Christo Domino juncti, exigit, ut litigia & discordias, quæ humani generis hoste zizania supereminant, Ordines regulares, ad celestium meditationem incumbentes, aliquando perturbant, omni cura evellere studeamus, ne Dei cultus in facris viris frigeat, inque animis secularium, qui eos inter se dissidentes conspiciunt, scandala propterea exoriantur.

II. Constitutio pro Tertiariis Minorum observantiam ad Tertiarios

Nuper admodum in Tertiariis, de Penitentia appellatis, sub regimine Fratrum Minorum beati Francisci, alias à regulari observantia nuncupatorum, viventibus, spirituale sola-

tium, & pietatis fervorem augere studuimus Apostolicis litteris nostris, quæ incipiunt: *Paterna Sedis Apostolica providentia*, Romæ vulgatis anno Domini MDCCLXXV. IV. idus Decembris, Pontificatus nostri anno secundo, quibus litteris immunitates, gratias, privilegia & indulta, ab antecessoribus nostris Romanis Pontificibus eidem Tertiariis concessa, renovavimus & confirmavimus, si alacrius & sanctius Deo famulari pergerent. Sed postea non sine admiratione atque animi nostri molestia interortas altercationes audivimus, eademque nostras litteras, quæ unos Tertiarios, Fratribus Minoribus, à regulari observantia nuncupatis, subiectos respiciunt, contra mentem nostram ad alios Tertiarios, sub regula quidem beati Francisci Deo famulantes, sed speciali nota dignos, inque iisdem litteris nostris minime nominatos, aut comprehensos, perperam detortas fuisse intelleximus: qui sane Tertiarii Fratribus Minoribus, à regulari observantia nuncupatis, nullo modo subsunt; sed Ministro generali Ordinis Fratrum Minorum beati Francisci, qui Cappuccini appellantur, à quo, & ab ejus secundariis Ministris, in rebus spiritualibus directi, omnino dependent, atque habitum religiosum accipiunt.

Propterea huic errori & incommodo pro nostra auctoritate & sollicitudine prospicere cupientes, eorundem Fratrum Minorum beati Francisci, qui Cappuccini appellantur, jura & privilegia, sæpe in iudiciis contradictoriis coram venerabilibus Fratribus nostris S. R. E. Cardinalibus, consultationi de rebus Episcoporum & Regularium præpositis, plenè discussa, pontificioque oraculo, ac litteris Apostolicis à felicis recordationis Clementis Papa XI. antecessore nostro confirmata atque approbata, nos præsentibus, perpetuum robur impostero habituris, post maturam deliberationem, motu proprio, & ex certa scientia, ad tollendas quascunque discordias, iterum munimus & approbamus, confirmantes omnia jura, immunitates, facultates, prærogativas, gratias, indulta & privilegia Ministro generali Ordinis Fratrum Minorum beati Francisci, qui Cappuccini appellantur, competentia in conferendo eodem scapulari & cingulo Tertiariis sibi subiectis, quæ omnia ei olim fuerint adjudicata; ejusdemque Clementis Papa XI. litteris confirmata, quarum tenor talis est:

CLEMENS PAPA XI.

ad futuram rei memoriam.

Emanarunt nuper à Congregatione venerabilium Fratrum nostrorum S. R. E. Cardinalium, negotiis & consultationibus Episcoporum & Regularium præposita, ad favorem dilectorum filiorum Fratrum Ordinis Minorum sancti Francisci, Cappuccinatorum nuncupatorum, Regni Sardinie, tria decreta, videlicet.

1. In casibus, vertente inter Patres Minores Cappuccinos Regni Sardinie ex una, & Patres Minores de observantia ejusdem Regni, seu &c. partibus, ex altera, de & super infra scripto dubio, nempe, an Patribus Cappuccinis Regni Sardinie liceat dispensare, seu distribuere habitum seu scapulare parvum cum cingulo Sancti Francisci secularibus utriusque sexus in propriis domibus, & sub jurisdictione ordinarii viventibus, qui denominantur Tertiarii, seu tertii ordinis eosque dirigere in spiritualibus juxta regulas dicti tertii ordinis in propriis Ecclesiis, in casu &c.

2. Sacra Congregatio Eminentissimorum & Reverendis. S. R. E. Cardinalium, negotiis & consultationibus Episcoporum & regularium præ-

posita

ANN O
1726.
Cappucinatorum male de-
torta.

III. Congregationis consultationibus de rebus Episcoporum & Regularium præpositis decreta pro Tertiariis Cappucinatorum, confirmata à Clemente XI. Pont. Max.

IV. Litteræ Clementis XI. pro Tertiariis Cappucinatorum.

ANNO
1726.

posita, partibus ipsis auditis, referente Eminentiſſimo Gabriellio, cenſuit, ac declaravit, competere Patribus Cappuccinis facultatem conferendi ſcapulare cum cingulo S. Franciſci, Romæ die XVI. Novembris MDCCIII.

3. Et die XXIX. Februarii MDCCIV. denuo auditis Religionibus Patrum Minorum de obſervantia, & Patrum Minorum Cappuccinorum S. Franciſci, referente eodem Eminentiſſimo Gabriellio, Eminentiſſimi Parres cenſuerunt, perſtendum eſſe in deciſis ſub prædictâ die XVI. Novembris MDCCIII. Romæ &c.

4. Die verò VI. Martii ejuſdem anni MDCCIV. tertia vice propoſita cauſa per eundem Eminentiſſimum Gabriellium ad preces Procuratoris Generalis Commiſſarii Curæ Minorum de obſervantia, & Procuratoris Generalis ſtrictioris obſervantia Sancti Franciſci, eadem ſacra Congregatio cenſuit ac decrevit, extra dandum ſupra dictum Decretum Romæ &c.

G. Cardinalis Carpinus.

Loco † Sigilli.

5. Cùm autem, ſicut pro parte dilecti filii moderni Procuratoris Generalis dicti Ordinis nobis ſubinde expoſitum fuit, ipſa decreta huiusmodi, quo firmius ſubſiſtant, Apoſtolica confirmationis noſtræ patrocinio communiti plurimum deſideret; nos, ipſum modernum Procuratorem Generalem ſpecialibus favoribus & gratiis proſequi volentes, & à quibuſvis excommunicationis, ſuſpenſionis, & interdictionis, aliisque Eccleſiaſticis ſententiis, cenſuris & omnibus, à jure vel à homine, quavis occasione vel cauſa latis, ſi quibus quomodolibet innodatus exiſtit, ad effectum præſentium dumtaxat conſequendum, harum ſerie abſolventes; & abſolutum fore cenſentes, ſupplicationibus, ejus nomine nobis ſuper hoc humiliter porrectis, inclinari, decreta præſentia auctoritate Apoſtolica tenore præſentium approbamus & confirmamus, illisque inviolabilis Apoſtolice firmitatis robur adjicimus, ſalva tamen ſemper in præmiſſis auctoritate memoratæ Congregationis Cardinalium; decernentes, eaſdem præſentes litteras firmas, validas & efficaces exiſtere & fore, ſuoſque plenarios & integros effectus ſortiri & obtinere, ac illis, ad quos ſpectat & pro tempore ſpectabit, in omnibus & per omnia pleniffimè ſuffragari; ſicque in præmiſſis per quocumque iudices ordinarios & delegatos, etiam Cauſarum Palatii Apoſtolici Auditores, judicari & definiti debere, ac irritum & inane, ſi ſecus ſuper his à quoquam quavis auctoritate ſcienter vel ignoranter, contigerit attentari: non obſtantibus Conſtitutionibus ac ordinationibus Apoſtolicis: ac, quatenus opus ſit, ordinum huiusmodi, etiam juramento, confirmatione Apoſtolica, vel quavis firmitate alia, roboratis, ſtatutis & conſuetudinibus: privilegii quoque, indulgentiis, & litteris Apoſtolicis in contrarium præmiſſorum quomodolibet conceſſis, confirmatis & innovatis. Quibus omnibus & ſingulis, illorum tenores præſentibus pro plenè & ſufficienter expreſſis, & ad verbum inſertis habentes, illis aliàs in ſuo robore permanſuris, ad præmiſſorum effectum hac vice dumtaxat, ſpecialiter & expreſſè derogamus, cæteriſque contrariis quibuſcumque.

Datum Romæ apud ſanctum Petrum ſub annulo Piſcatoris die 29. Martii MDCCIV. Pontificatus noſtri anno quarto.

F. Oliverius.

Itaque hæc litteras Clementis Papæ XI. auc-

toritate noſtra iterum nos confirmantes, ſtatimus & declaramus, Miniſtro generali Ordinis Fratrum Minorum beati Franciſci, qui Cappuccini appellantur, & ſecundariis ſuperioribus; ab eodem Miniſtro generali dependentibus, tanquam veris & legitimis filiis beati Franciſci, convenire & competere in quocumque loco, Civitate, Provincia, & Regno, etiam ubi alii Tertiarii ejuſdem beati Franciſci jam ſunt, erigere, inſtituere & fundare tertium Ordinem beati Franciſci pro quibuſcumque piis & devotis perſonis ſæcularibus utriuſque ſexus, atque huiusmodi tertii Ordinis profeſſoribus beati Franciſci ſcapulare ſive habitum cum cingulo conferre, in rebus ſpiritualibus eos diſſigere in tertia regula beati Franciſci obſervanda privarim & publice docere, & inſtruire, ut pietatis & virtutum Deo gratos & uberès fruſtus, benedicente Domino, emittant.

Ad hæc volumus & declaramus, prædictos Tertiarios, ſeu tertii Ordinis beati Franciſci profeſſores, ſub Miniſtro generali Ordinis Fratrum Minorum Cappuccinorum, ejuſque ſecundariis ſuperioribus, omnino gaudere, atque ubi poſſe & debere omnibus & ſingulis privilegiis, indulgentiis, gratiis, favoribus, & prærogativis, per hanc Sanctam Apoſtolicam Sedem Ordini Tertiariorum à quocumque Miniſtro generali dependentium ſub ſuo capite, qui unus eſt beatus Franciſcus, aliàs conceſſis; volentes propterea, ut viciffim quilibet Tertiarius ejuſdem Ordinis Minorum beati Franciſci, præmiſſis gratiis gaudentes, ad eos tranſire licitè & validè poſſint, quorum ſtatum ſaluti animæ ſuæ aptiorem & utiliorem in Domino, eſſe cognoverint. Prædicta verò univerſa ita, & non aliter judicari, & firma atque inconcuſſa ab omnibus haberi ſtatimus; non obſtantibus ordinationibus & Conſtitutionibus Apoſtolicis, aliisque contrariis quibuſcumque, quibus, quatenus opus eſt, derogamus, eaque annullamus, proque annullatis, derogatis & nullis hac in re haberi volumus; poenam excommunicationis ipſo facto incurrendam, aliisque cenſuras pro noſtro arbitrio iis interminantes, qui contraire, vel temerario aſu ea impugnare præſumpſerint, quæ hæc noſtra Apoſtolica Conſtitutione firmamus atque decernimus: ob cujus plenam perfectamque obſervantiam, auctoritate noſtra præcipimus Venerabilibus Fratribus, Patriarchis, Archiepiſcopis, Episcopis, & eorumdem Vicariis & Miniſtris, ut pro horum executione tuenda auctoritate ſua vigilant, invocato etiam, ſi opus fuerit, ad hoc, auxilio brachii ſæcularis.

Volumus autem, ut præſentium litterarum tranſumptis, ſeu exemplis, etiam impreſſis, manu alicujus ex Secretariis Miniſtri, vel Procuratoris generalis dicti Ordinis Fratrum Cappuccinorum; ſive Notarii publici ſubſcriptis, & ſigilli Officii ejuſdem Miniſtri, vel Procuratoris generalis ipſius Ordinis, vel cujuſcumque perſonæ in Eccleſiaſtica dignitate conſtitutæ munitis, eadem proſus fides in iudicio, & extra adhibeatur, quæ præſentibus ipſis adhiberetur, ſi forent exhibitæ, vel oſtenſæ.

Nulli ergo omninò hominum liceat hanc paginam noſtræ approbationis, declarationis, confirmationis, innovationis, conceſſionis, decreti, voluntatis, præcepti & derogationis infringere, aut ei temerario aſu contraire, vel ſubreptionis, aut obreptionis notam impingere. Si quis autem hoc attentare præſumpſerit, indignationem omnipotentis Dei, ac beatorum Petri & Pauli Apoſtolorum ejus ſe noverit incurſurum.

Datum Romæ apud Sanctum Petrum anno Dominicæ Incarnationis milleſimo ſeptingentefi-

ANNO
1726.

paccinorum
ubicumque
exiſtentes ab
eorumdem
Fratrum Mi-
niſtro Gene-
rali, & non
ab alio, de-
pendent.

VI.

Tertiarii Ca-
puccinorum
fructus om-
nibus indul-
gentiis & gra-
tiis in reli-
quos Terti-
rios Fratrum
Minorum
collatis.

VII.

His litteris
omnimoda fi-
des adhibea-
tur.

VIII.

Hanc Con-
ſtitutionem
nemo infrin-
gere audeat.

9. Kal. Ju-
nii 1726.

mo

V.
Tertiarii Ca.

A N N O
1726.mo vigesimo sexto, nono Kalendas Junias,
Pontificatus nostri anno tertio.

P. Cardinalis Prodatarius.

F. Card. Oliverius.

V I S A

De Curia J. Archiepiscopus Ancyranus.
L. Martinettus.

Hoc transcriptum conforme esse suo Originali fidei facio & attestor ex Officio. In nostro Immaculate Conceptionis Conventu de Urbe die quartâ Julii anno 1726.

Loco † Sigilli

F. CHERUBINUS A NOVE Rmi.
P. Galis. Socius à Secretis nec non in Curia pro Provinciis & Ditionibus Gallicanis &c.

IN NOMINE DOMINI AMEN.

Fidem facio per presentes ego Causarum Curia Camera Apostolica Notarius publicus infra scriptus; qualiter, porrecto pro parte Paris Procuratoris Generalis Fratrum Minorum S. Francisci Cappuccinorum supplici libello Sanctissimo Domino Nostro Papæ BENEDICTO XIII. mihi &c. originaliter exhibito cum petitione, ut interim, donec à Sancta Sede Apostolica decidantur nonnullæ dubitationes circa intelligentiam Bullæ per Sanctitatem Suam editæ incipientis: *Ratio Apostolici Ministerii*, nono Kalend. Junii 1726. sua Religio ad quietem, & salutem animarum plenè, & pacificè fruatur, ac frui possit circa Tertiarios B. P. S. Francisci omnibus facultatibus, & gratis, quæ Sanctitas Sua in eadem Bulla in favorem Ordinis Cappuccinorum clementissimè largita est, à tergo illius recognovi rescriptum per me diligenter de verbo ad verbum, nil addendo, vel minuendo, quod substantiam mutet, aut variet intellectum, sed prout jacet extractum tenoris sequentis, videlicet: *Ex Audientia Sanctissimi die 24. Mensis Septembris 1726. Sanctissimus annuit declarati mi, quod per Constitutionem Sanctitatis Suae favore PP. Ordinis Sancti Francisci de Observantia non fuit derogatum Privilegiis Ordinis Cappuccinorum vestiendi, & admittendi ad Professionem Tertiarios ejusdem Ordinis, N. Card. Coscia. Loco † Sigilli dicti D. Cardinalis.* Dictumque supplicem libellum, expleta dicta extractione, statim exhibenti restitui non solum &c. sed & omni &c. In quorum fidem &c. Datum Romæ hac die secunda Octobris anni 1726. *Ita est. Salvator Paparozzius Caus. Curia Cam. Apost. Not.*

Nos ad presens Camera Alme Urbis, Inclitique Populi Romani Conservatores, universis fidem indubiam facimus, & sub verbo veritatis attestamus, supra dictum D. Salvatorem Paparozzius esse talem, qualem se supra fecit, Rev. Camera Apostolicæ Notarium publicum legalem, authenticum, & fide dignum, scripturisque suis tam publicis, quam similibus in judicio, & extrà semper adhibitam fuisse, & de presenti plenam adhibere fidem. In quorum testimonium &c. Datum Romæ ex Aedibus nostris Capitolinis, hac die 2. Octobris 1726.

Pro D. Secretario Nob. Collegii DD. NN. CC. Urbis Philippus Cajetanus Diamila de mandato &c.
Concordat supra scriptum transcriptum cum Originali in Archivis Officii nostri aservato. Romæ 8. Octobris 1726.

Loco † Sigilli

F. BERNARD. PROC. Coms. Glis,
Minor. Cappuc.Ita est. F. CHERUBINUS A NOVE
in Curia pro Gallis &c.

C O N S T I T U T I O

Qua Parochialium Ecclesiarum & Vicariarum rectoribus, extra mœnia Urbis constitutis, & æqua sustentatione carentibus, congrua portio assignatur.

BENEDICTUS EPISCOPUS,

Servus Servorum Dei, ad perpetuam rei memoriam.

Pastoralis nostra sollicitudo exigit, ut in hoc præcipue excubemus, ne cura animarum in Ecclesiis parochialibus hujus almæ Urbis, & extra ejus pœneria constitutis, neglecta & collapsa propterea concidat, quod earumdem Rectoribus congrua sustentatio desit, sine quibus eorum officium non eo, quo par est, zelo & pietate exerceri, ipsamque animarum salutem magnum discrimen incurrere, longa experientia didicimus. Antecessor quidem noster Pius Papa V. ut sacrosancti Concilii Tridentini decreta in usum induceret, varias in hujus almæ Urbis Ecclesiis perpetuas Vicarias, actualem animarum curam habentes, congrua & sufficienti portione assignata, providè instituit. Alii quoque felicis recordationis antecessores nostri, Urbanus VIII. & Clemens XI. quasdam parochiales Ecclesias & Vicarias extra pœneria Urbis erexerunt, ut incolis suburbanis auxilia spiritualia, quacunque occasione, tam in doctrinæ Christianæ rudimentis rite explicatis, quam in Dei verbo festis diebus ex ore sacrorum Ecclesiæ ministrorum audiendo, inque Christi Domini sacramentis, ex eorumdem manu recipiendis, prompte suppetent.

Nihilominus priusquam ad erigendas novas parochiales Ecclesias procedamus, in maturum examen vocari decrevimus, an revera hujusmodi Rectores, & Vicarii, olim, ut diximus, instituti, congrua & sufficienti sustentatione fruenterentur; sique eis æqua & congrua ejusdem portionis assignatio deesset, quoniam pacto eis assignari posset. Ad hanc rem penitus explorandam, S. R. E. Cardinalium & Prælatorum Congregationem habendam indiximus, quorum suffragia, & simul expositionem, hac de re literis traditam per eum ex Prælati, qui eidem Congregationi fuit à secretis, attentè consideravimus. Quare uniformi suffragiorum & sententiarum tenore percepto, consilioque & approbatione totius Congregationis probe intellectis, in hanc determinationem devenimus, ut primo loco subseqventibus Vicariis & parochialibus Ecclesiis congruas portiones non esse assignandas judicaretur, quia sufficienter dotatæ reperiantur. Sunt verò

1. Beati Angeli ad Fornaces.
2. Beati Lazari.

Hæ duæ Vicariæ à Basilica Vaticana dependent.

3. Parochialis Ecclesia beatorum Laurentii & Urbani ad primam Urbis portam.

4. Vicaria beatæ Mariæ ad Magos, quæ à Basilica Lateranensi dependet.

5. Parochialis Ecclesia beati Sebastiani extra portam Capenam, ex Basilica Lateranensi olim dismembrata.

Secundo loco statuimus & declaramus, nullam congruam assignandam parochiali Ecclesiæ Basilicæ sancti Pauli in via Ostiensi, olim dismembratæ ex diaconia beatæ Mariæ in Cosmedin. Siquidem cœnobium Monachorum Casinensium, ad quos eadem Basilica sancti Pauli pertinet, redditus & sufficientem portionem habet. Quare huic nulla congrua portio debetur. Pari modo parochiali Ecclesiæ beati Laurentii in agro Verano, quam regunt Canonici regulares sancti Sal-

A N N O
1726.

XXVIII.

I.
Rectoribus
Ecclesiarum
parochialium
congrua sustentatio
debetur.

II.
Ecclesiæ
parochiales &
Vicariæ
extra
Urbis
mœnia,
quibus
congrua
portio
non
est
assignanda.

vato-